

հիսուն դրամ¹⁾ կէօկտաշ, որ եղև երեսուն և մէկ թիւանի 200 դրամ (=224 կ. գր.). իստոցանէ գուրս եկն 16 թիւանի չորս հոխայ 350 դրամ (=120 կ. գր.) թուղթ, որ էր 13 օգմայ պիտանի և 15 դաստայ վտիտ, գործավորացն բաշխիշ ետու. ի դեկտեմբերի 20, օրն հինգշաբթի»: «Յապրիլի 21 (1777 թ.) օրն ուրբաթ, նոր վարպետ Նիկողայոսն սկսաւ ծեծել դնիւթ թղթոյն, բաշխիշ ետու որ նոր թուղթն հանէին ի յուլիսի 15. 3 դուրուշ»: Այս քաղվածքից ելնելով, արտագրութեան պրոցեսի տևողութեան և գործարանի արտադրական կարողութեան մասին եզրակացութիւններ հանելը դուրս մասնագիտական հարց է, ուստի այն հանձնում ենք մասնագետների ուշադրութեանը. նկատենք սակայն, որ բաշխիշ տալու ժամանակը կարող էր հետ միալ թղթի արտագրութեան պրոցեսի ավարտումից:

Արտագրված թուղթը օգտագործվել է գլխավորապես տեղական կարիքների համար. դուցե մասամբ բավարարել է այլ վանքերի և թեմական առաջնորդների կարիքները. ինչ վերաբերվում է արտահանմանը դեպի հարեւան երկրներ՝ այդ մասին ճշտիվ տեղեկութիւններ չկան: Սակայն կամեկ փաստ, որը ենթադրել է տալիս, թե արտահանման հնարավորութիւնն այնուամենայնիվ եղել է. 1776 թ. նոյեմբերի 6-ին Գրիգոր Զաքիկյանցին գրած նամակում Սիմեոն կաթողիկոսը հայտնում է, թե նրա կողմից ուղարկված մուրհակների հինգ տեսակ բլանկներից չորսական օրինակ ուղարկում է՝ և եթե պահանջ կա թող հայտնի, որ շատ տպեն և ուղարկեն՝ Մադրասում ծախելու համար. ենթադրում ենք, որ այդ բլանկները տպվելու էին էջմիածնի թղթի վրա. այսպես ինչ շահ այդ գործից: Բացի այս՝ թղթի առանձին օրինակներ ուղարկված են Վրաց Հերակլ արքային, Կ. Պոլսի և Ռուսաստանի հայոց հոգևոր առաջնորդներին և այլոց: Տեղում թուղթը մեծ մասամբ գործադրվել է տպարանում. էջմիածնի թղթի վրա տպվել են մի շարք աշխատութիւններ, որոնցից հայտնի է Սի-

մեոն կաթողիկոսի «Պարտավճար» աշխատութիւնը, որից Պետական Ձեռագրատանը (Մատենադարանում) կա հինգ օրինակ (հին տպագրեր № 102):

Արտագրվող թուղթն օգտագործվել է նաև գրագրութիւնների համար. այժմ Պետական ձեռագրատան (Մատենադարանի) արխիվում պահվում են բազմաթիվ վավերագրեր, գրված նույն թղթի վրա:

Որակի տեսակետից թուղթը բավական կոշտ, գույնով բաց-հարդագույն, գորշ կամ ոչ շատ սպիտակ. թուղթը ունի ջրանկար դրոշմ, որը իրենից ներկայացնում է մեկ կողմում «Սուրբ էջմիածին» բառերի փակագիրը, որից ներքև «Ս. Կ.» Սիմեոն կաթողիկոս բառերի սկզբնատառերը, մյուս էջում՝ դարձյալ փակագրով «Թուրքի ՌՄԻՆ» (1776) և Գրիգոր Միքայելյանի (Խոջա-Ջանյան, Չաքիկյան) անվան և ազգանվան սկզբնատառերը «Գ. Մ.»: Ինչպես վերը նշեցինք այս Չաքիկյանի ծախսով է կառուցվել և տպարանը և թղթի գործարանը, որի անունը հավերժացնելու համար Սիմեոն կաթողիկոսը ոչ միայն արձանագրութիւններ փորագրեց տպարանի և թղթագործարանի ճակատներին, այլ նաև նրա անունը հիշատակել է ինչպես արտագրվող թղթի վրա, այնպես էլ տպագրվող գրքերի առաջին էջերում:

Սիմեոն Երևանցու կողմից կառուցված թղթի գործարանը ըստ երևույթին շատ կարճ կյանք ունեցավ. (ընդամենը 5—6 տարի): Նրա մահվանից հետո գործարանը դադարեց գործելուց (գործարանի ծախսերի մատյանում 1781 թվից հետո գրանցումներ այլևս չկան, իսկ դա ապացույց է գործածարանի խափանման): 18-րդ դարի վերջին և 19-ի սկզբի քաղաքական անցուղարձերի՝ աղա Մամատ խանի արշավանքների և այնուհետև Ռուս-Պարսկական պատերազմի հետևանքով գործարանն ընդմիշտ ավերվեց և ավարի տրվեցին նրա մետաղյա գործիքները:

* * *

Դուցե սրանով մեր հոգվածն ավարտել ենք, եթե մեր առջև չժառանգար անխուսափելի մի հարց. այդ այն է, թե նախքան Սիմեոն Երևանցու կողմից կառուցած գոր-

¹⁾ Ծանոթության չափ է. մոտ 3 դրամ: